

大宋新譯三藏聖教序

御製

信

大矣哉我佛之教也化導群迷闡揚
宗性廣博宏辯英彥莫能究其旨精
微妙說庸愚豈可度其源義理幽玄
真聖莫測包括萬象譬喻無垠綜法
網之紀綱演無際之正教拔四生於
苦海譯三藏之秘言天地變化乎陰
陽日月盈虧乎寒暑大則說諸善惡
細則比於恒沙含識萬端弗可盡述
若窺像法如影隨形離六情以長存
歷千劫而可久須彌納藏於芥子如
來坦蕩於無邊達磨西來法傳東土
宣揚妙理順從指歸彼岸菩提愛河
生滅用行於五濁惡趣拯溺於三業
途中經垂世以難窮道無私而永奉
雪山貝葉若銀臺之耀目歲月煙蘿
起香界之自遠巍巍罕測杳杳難名
所以道資十聖德被三賢至道起於
乾元衆妙生乎太易摠繁形類最鑒
昏明絕彼是非開茲蒙昧有西域法
師天息災等常持四忍早悟三乘翻

○佛說大愛陀羅尼經 大正句王經

貝葉之具詮續人天之聖教芳猷重
啓運偶昌時潤五聲於文章暢四始
於風律堂堂容止穆穆輝煌切而
昏墊重明玄門昭顯軌範而彌光妙
法淨界騰音利益有情俱登覺岸無
成障礙救諸疲羸冥昧慈悲浩汗物
表柔伏食俱啓瘡皆愚演小乘聲聞
合其儀論大乘正覺立其性合靈悟
而蒙福藏教缺而重興幻化迷途火
宅深喻雖設其教不知者多善念生
而無量潛臻惡業興而隨緣皆隨調
御四衆積行十方澍花雨於金輪護
恒沙於玉闕有頂之風不可壞無際
之水弗能漂澄寂湛然圓明清淨之
智慧性空無染妄想解脫之因緣可
以離煩惱於心田可以得清涼於宇
宙朕慙非博學釋典微閑豈堪序文
以示來者如摩螢燭火不足比之於
皎日將微盡量海未能窮盡於深淵
者哉

大正句王經卷上

如是我聞一時尊者童子迦葉在憍

大正句王經卷上

第二

信

薩羅國遊行次第至於尸利沙大城
之北尸利沙林廬野園中止住是時
有三名大正句都尸利沙城其三先
來不信因果每作是言無有來世示
無有人復無化生常起如是斷見
今時尸利沙大城中有大婆羅門及
長者主等互相謂曰云何此沙門童
子迦葉來至此城之北尸利沙林廬
野園中是時尊者迦葉於彼城中名
憍音聞而彼城中一切人民素聞迦
葉善說法要常說種種深妙之義已
得無病常行頭陀是即應供是大阿
羅漢今既來此我等宜共往詣彼林
禮覲供養於是城中大婆羅門及
長者等咸出城北往詣尸利沙林廬
野園中欲伸恭問
尔時大正句王在高樓上遙見城中
婆羅門長者等同共出城行詣城北
往尸利沙林廬野園中王既見已問
侍臣曰云何城中婆羅門長者同共
出城詣尸利沙林廬野園中侍臣白
王有一沙門名童子迦葉遊化至此
大城之北尸利沙林廬野園中而為

大正句王經卷上

第三

信

止住是故城中諸婆羅門及長者等
同共出城禮觀供養王聞所奏即謂
侍目汝可往彼宣告彼衆婆羅門及
長者等汝宜且止須臾小待我今速

至當與汝等同共往彼禮觀沙門童
子迦葉何以故如我意者或恐汝等
婆羅門長者爲彼沙門童子迦葉邪
法引導不依智識妄稱有人及有他
世復有化生時彼侍目受王勅已往
婆羅門長者處宣示王勅謂彼衆言
正向大王宣告汝等且止須臾我當
速至與汝同往禮觀沙門童子迦葉
人衆受勅不敢前進余時侍目傳王
命已復還王處而上奏言目適奉命
往婆羅門長者衆處具傳聖旨令婆
羅門與長者等且止須臾王今速至
當與汝等同禮沙門童子迦葉彼衆
奉命已止不進時正向王嚴整車駕
出於宮城與婆羅門及長者衆同共
往詣尸利沙林廣野之國王心憍慢
所乘車駕至不通處方乃下車徒步
而進行至園中尊者住處時正向王
與婆羅門長者衆等見於尊者童子

迦葉初未信重不甚恭肅王與尊者
互伸問訊退坐一面時婆羅門長者
衆等見王如是亦微鄭重咸共相與
圍繞而住

余時大王即伸問言尊者迦葉當聽
我語如我意者無有來世復無有人
亦無化生我意如是尊者云何迦葉
答言王若樂聞如是正義先當誠心
諦信而住王即報言唯然受教

余時迦葉告大王言王見日月爲有
無耶此世來世於理顯然不妄大王
當云何見當云何聞王言迦葉若此
日月此世來世如我見聞同於尊者
迦葉復言如王所見日月爲有來世
亦然大王不應執如前見迦葉復言
大王如沙門婆羅門乃至應供世間
解等須知定有若因若果此世來世
以智自通如實了知大王不應如前
執於斷見余時大王迷執未省謂迦
葉言汝今云何作如是言如我意者
實無來世而汝迦葉勿復強言
復次迦葉報大王言即今王身爲有
無耶如王此身以爲有者云何斷見

言無來世當以何喻證於此理大王
答言尊者迦葉我今有喻證於此
理今身是有來世即無王言迦葉如
我親屬或染疾病纏綿既久將趣令
終我時往彼問評告言汝病深重定
知不可若是殞歿切有相囑我聞沙
門及婆羅門先有是言若人破戒造
惡業者命終之後墮於地獄如沙門
婆羅門等言若真實汝等親屬命終
之後必墮地獄何以故汝諸親屬破戒
造罪以此當知定落惡趣若在惡趣
當遣使來或復自來告語於我今在
地獄極受苦楚汝若來報我必往救
但有去人曾無來者迦葉如我之意
以此爲喻定無來世

迦葉報言大王此喻雖陳未爲正說
我今問王譬如有人犯於王法爲巡
守者執之將至王所而白王言是人
違犯如是之罪不敢隱覆王聞所奏
即勅有司令將罪人反縛兩手牢固
其身驅往四衢多人聚處鳴鼓告示
今此罪人犯如是法東西南北徧於
城內咸使聞知後將出城依法處斷

有司奉命即將罪人及縛兩手牢固其身驅往四衢多人聚處鳴鼓告示今此罪人犯如是法東西南北徧於城內准王宣命處處告示仕庶知已駭領出城依法處斷如此罪人臨赴法時告監守言願垂哀愍放我少時暫至家中辭別親屬大王彼監守人還敢暫放令歸家不王言不也迦葉設使此人種種哀切彼監守人亦不敢放何以故王法所錄無容暫放尊者迦葉復言大王王諸親屬以罪業故命終之後墮地獄中以其罪業常受苦楚是諸罪人告其獄卒乞暫相放還歸人間至於王所求王救苦大王是地獄卒還肯放不王言不也迦葉復言大王我同世間無暫放理大王勿將此喻同於來世執斷見者非為正理是故當知有今世者定有來世乃至沙門婆羅門應供世間解以智自通了知其實不應更執如前之見王復報言尊者迦葉斯言非當我意未允不應更言實有後世復次迦葉報大王言王意如是勿更

大正三經卷上

第六經

信

有喻可為證耶王言迦葉我今更有親屬之喻可以為證迦葉如我親屬染於重病將其命斷還當付囑告病人言我聞沙門及婆羅門常作是說若人持戒修諸善法或有惠施三輪清淨見他殊勝不生嫉意是人命盡生於天界若彼沙門及婆羅門所言誠實汝之命終必生天界何以故我觀於汝常具戒品及修善法三輪清淨而行惠施仍於他勝不生嫉意以此當知定生天界若得生天當遣使來或復自來用報於我即今已得生於某天受於快樂迦葉我諸親屬若實生天必來相報云何親屬但見終毀無來報者以此當知定無來世迦葉告大王言我今亦欲重說譬喻令王得見實有來世大王譬如穢坑是王不可近時有一人墮墮其中是穢難堪方便得出身既出已即用諸香薰水沐浴復以塗香以塗其身身既香潔又以殊妙迦尸迦衣及珍寶花鬘莊嚴其身住於家中受其快樂大王於意云何如是之人還復樂入前穢

大正三經卷上

第六經

信

坑不王言不也迦葉彼穢惡坑人非所樂迦葉復言大王彼人生天亦復如是既得生天豈復更思還來人間復次大王人間百年等忉利天是一晝夜大王親屬修諸善法既生天界晝夜受樂豈復更思還來報王我生天界晝夜受樂大王汝與天人壽命長短為相等不王言不也迦葉迦葉復言大王天界人界本自懸隔不應如愚願望相報然後方可信有後世大王彼沙門婆羅門應供世間解乃至後世須知實有可以自智如實了知不應更作無後世見王報迦葉如尊者言亦未可信何以故所云人間百年等忉利天為一晝夜有何人來告語於汝人間百年等忉利天為一晝夜迦葉復言如王所見喻生盲人何以故生盲之人本自不見青黃赤白細妙惡長短色相便作是言本無如是青黃赤白細妙惡長短色相又言我亦不知我亦不見是生盲人以已不見便乃執云本無如是青黃赤白乃至長短色相大王勿同

大正三經卷上

第六經

信

生盲執無色相王言迦葉如我意者而彼天界若實有者我即言有既實本無云何令我說云實有復言迦葉汝非善人何以故我見本正云何喻我同彼生盲迦葉汝前所說生天等事我實不信若信此言如食毒藥如刀臨身如上山墜身自害其命如是諸惡我皆遠離

復次迦葉報大王言我念往昔有婆羅門家中巨富又乃耆年唯有一子年纔十六母即喪亡彼婆羅門不能獨遂再娶娶未久之間妻乃有姘妻未生產其婆羅門尋亦命終於是其子白繼母言家中財物金銀珍寶乃至一切受用之具悉屬於我更無別人令我財物時彼繼母聞子語已即告子言我今所懷汝父遺體待其長育與汝均分其子時復再言其事母起思念此子年幼情性癡騃雖與深言未能令曉又以貪惜欲疾攬身多設方便求於速產日月未滿返損其孕大王彼之女人以貪嫉故返損其孕大王今者以愚癡故起於斷見王

復報言迦葉尊者莫如前言持戒修善及行惠施命終之後得生天上壽命長遠常處快樂我實不信我今若信迦葉之語是食毒藥是受刀劍是墜高山自害其命云何迦葉堅作是語如我之意定無有人無有後世亦無化生

復次迦葉告大王言莫復有喻證於斯事王言迦葉我復有喻證於斯事知無有人無有後世亦無化生迦葉如我親屬或染重病我即往彼安慰問評命未斷者還與我語說其苦惱及命終已無有與我說苦惱者以此可知定無後世亦無化生迦葉告言我念往昔有一聚落其中人民不識螺相亦復未曾聞其螺聲忽有一人從外而來到彼聚落而便止住是人常持一螺以為功業每日執螺詣於聖像鳴螺供養供養已訖復還住處時聚落中一切人民忽聞螺聲咸悉驚怪互相謂曰此是何聲我等眾人本所不聞大王時聚落中一切人眾共往螺處問彼螺言爾從何來可依

實答若不言實我當破汝螺知我意速說其由大王彼人民聚於其螺相及與螺聲本所不見本所不聞欲使其螺共為問答螺既無情豈能言答何以故示如大王與命終人欲共言論人既命盡豈能無言大王不應執如是見謂無有人及無後世亦無化生迦葉復言有沙門婆羅門具天眼者以淨天眼悉見於人死此生彼受身好惡端正醜陋或得生天或墮惡趣大王如是等事皆可為證不應更言無有後世亦無化生王言迦葉雖說此喻我意未允如我之見定無有人亦無化生及無後世

時身即柔軟命既斷已其身殭硬至於輕重死活不同尊者我以此知定無來世亦無有人復無化生迦葉復言大王於意云何譬如鐵丸亦有輕重軟硬之異其鐵熱時體輕而軟其鐵冷後體重而硬大王有情無情皆樂四大以彼四大有其合散是有軟硬冷熱之異勿將此理比於後世及化生等大王須知實有彼沙門婆羅門或具天眼者見於衆生死此生彼乃至端正醜陋或生天上或墮惡趣悉可證知實有來世及化生等王言尊者如汝所言未爲誠信我之意者實無有人無有後世亦無化生

大正句王經卷上

乙巳歲高麗國大藏都監奉

勅雕造

大正句王經卷上

第十講

音

大正句王經卷下

陪

受持者新製金剛經疏

復次迦葉告大王言勿更有喻證彼無人及無後世亦無化生王言我復有喻可證斯理尊者譬如有人犯極重罪近目知已即白於王今有此人犯極重罪王既知已乃令所司捉縛罪人依法斷理法官奉命即將罪人縛其兩手鑊中煎煮復宣令曰待其糜爛徹見骨已可於鑊中以杖翻攪子細尋覓彼後世人及化生等出入之者法官奉命一依王旨至糜爛時乃於鑊中翻攪尋覓終不見有後世之人及化生等出入之者乃三展轉重重尋覓亦終不見王言尊者以此喻知實無有人無有後世亦無化生於是迦葉告大王言大王譬如有人於眠睡時夢一殊勝園林園中乃有種種樹木花果茂盛池沼清潔其人夢中甚可愛樂大王是彼園林爲實有不又復看戲及彼出入爲是實不王言不也迦葉如夢所見皆非真實

迦葉報言亦如大王所執斷見非爲真實大王要須誠諦知實有人有後世有化生乃至實有沙門婆羅門具清淨天眼超越世間見諸衆生死此生彼端正醜陋或得生天或墮地獄斯是真實不應更執如前斷見王言尊者云何重重作如是說如我之意定知無人無有後世亦無化生

復次迦葉報大王言復有何喻可證無人無有後世復無化生王言尊者我復有喻以證斯理譬如有人執行三事自違條格近目奏聞王乃具知令付法官鞠問情實其罪既重宣令治即使先割皮肉後斷筋脉折骨挑髓尋覓於人及化生者法官奉命准法施行如王所言不敢違越一一次第於皮肉筋脉骨髓之內尋覓於人及化生等始終不見有人及化生等尊者以此喻知實無有人亦無化生復無後世迦葉告言大王我念昔時有一道人住於山中時有商人將多車乘載於財貨近道人薈止宿而去時彼道人乃於明旦觀彼宿處恐

大正句王經卷下

第三講

陪

這財物果於是處見一童子纔離乳哺未識東西是衆商人之所遺墜道人慈愍恐彼童子飢渴所損將歸菴中如親養育而彼道人事火爲行常專其心添續柴薪未曾斷滅以彼童子日來月往漸漸長大年十五六道人思惟童子長大堪可委付一日道人以緣事故當入城墮暫拋菴所即誡童子我有事緣要須暫出菴中之火如我每日添續柴薪勿令斷滅言訖便行道入既出童子癡駭由貪戲翫爲貪戲故忘其事火以無添續火遂斷滅余時童子見火滅已收拾柴薪積於爐內發言祝曰汝火速出若火不出我當壞汝是彼童子苦切求哀火終不出火不出故更發惡言火不出者亦當打汝是時童子求火不出心即憂怖道人歸來必當辱我住在面思惟火事道人事畢歸還菴中見子默坐便知火滅謂童子言汝貪放逸致火滅耶童子答言我暫忘失火已滅矣火滅之後積薪於爐以善惡言祈火不出道人言曰汝甚癡

駭火若滅已得火方燃未聞積薪於冷灰中有火自出設汝爐中積無量薪作多方便徒自疲勞無由得火大王而此童子於火滅後灰中求火亦如大王愚迷不迴於死屍中搜求於人及化生者妄執無人起於斷見大王應須知實有人及有化生有於後世王言尊者莫如此言我或從汝言有後世必爲人議何以故今此鄙人便作是語王自昔來不信因果常作是語云無後世及無有人亦無化生今日却隨迦葉所化迦葉復言大王我念往昔有二商主皆有財寶一國無過後於一時相約爲侶同往他邦貨賣商求利是二商主各集商人以爲伴侶於是各各多裝車乘排比鞍馬同日上路行赴前程去國既遙艱嶮在近一人商主素知此路前有艱嶮告一商主言汝令知不前路艱嶮無有人煙商衆既多宜其預備二主議已一主先行意在少人所須易足所有米麴飲食之用乃至柴薪皆亦持去前行之次忽逢一人相迎而求身大

黑色兩目皆赤頂髮稀疏衣服襤褸駕一驢車其狀如鬼商主問言仁者前路還有飲食柴薪等不彼人答言前路之中甚有飲食柴薪等物皆悉無乏汝之所載咸可弃之免汝前行爲重所滯是時商主聞此語已謂商衆曰汝等人衆咸聞所言前路之中飲食等物既不乏少何用費持此外之物困於車馬商主及伴皆非智人便以所持弃之而去行第一日至於日沒唯有曠野不逢人煙四顧杳然無所取給飲食既乏悉受飢渴忍苦終夜強復前進於第二日又行至夜但在曠野餘無所覩商衆共議前所逢者思其相負定知是鬼我等無智便信彼言媛妄惑人以致如是至第三日人馬俱乏悉不能進相顧無語待死而住彼一商主隔日而進亦逢是人相迎而來乃問言曰前路之中還有飲食所須物不彼人同前一妄說飲食所須皆不乏少何用所持重滯車馬是物可弃汝宜知之後一商主智慧聰明凡所施爲必先思慮

素知此路有大曠野艱嶮之處度其地里嶮難非遙又察是人頗具不常行李廉惡或恐媛妄不可信之與諸商人議論而進至第三日忽於路次見前商主及衆商人飢乏而住顧問所以果是亦逢醜惡之人媛妄所悞商衆共議即以所持飲食之分均分相濟令彼商衆同度艱嶮大王彼一商主以愚癡故信彼媛妄致於嶮路受大苦惱大王以愚癡故自執斷見必於長夜受大苦惱

余時大王聞此語已告尊者言勿復引喻我心不迴所以者何恐彼國人謂我無定正句大王常作是語實無有人及無化生亦無後世今日翻爲迦葉所化是故我今不易前見

余時迦葉又告王言昔有二人薄有財賄結伴經營錢物雖殊有利相報結契已定擇日方行不日之間便達他國彼地多廉價賤可販二人議畢出錢收買如法裝結擔負而行言到他邦有利即貨前至別國見兜羅綿得利倍多可以迴麻作兜羅綿一人

大正句王經卷下

卷下

有智尋易其麻買兜羅綿一人無智謂同伴言我不易麻爲兜羅綿何以故以此麻擔用功裝結遠負而至是故我實不能易也二人即日各負貨物相次前進又至一國彼國多絲復倍綿利彼有智者便貨其綿再易爲絲一無智者又說前言不能易麻更求絲利二人持貨再復前行至一國中疋帛至賤比於絲利倍數轉多其有智者見利倍多便易其絲爲於疋帛一無智者由惜其麻自遠持來不肯迴易二人負貨又復前行至一國中唯有坑冶疋帛其貴銀價至微易帛爲銀有百倍利一有智者賣帛買銀期利百倍時無智者由謂此麻未得厚價惜而不易彼一智者又聞人言其國出金絕無有銀即呼伴云可往彼國不經時序達彼國中時有智者便易其銀運買黃金買得金已看說歡喜私自計云我昔離家錢物至寡初始買麻已忻厚利不期至此獲得黃金世之貴重不過於此將至家鄉足以致富即呼伴言歲月只餘可

大正句王經卷下

卷下

共還國隨其所得濟彼尊親時有麻人謂同伴言我本買麻比望厚利及其至此利轉輕微君今欲迴豈敢相滯亦且擔負相逐而歸或遇價高隨處貨賣議畢已擇日舊路而歸去國匪遙宗親得信家人共出郊外相迎忻喜非常各還所止獲金之家父母妻兒問得何利家主報言得金可富乃至宗親亦可給濟彼負麻者家人亦問自爾經營當獲何利是人報言唯得此麻更無別物家人聞已苦惱其心謂彼人言似汝經營我等宗親不免貧賤大王彼負麻人執性愚迷雖覩真金不肯迴易致令親屬苦惱長時亦如大王不自覺知執於斷見長夜受苦後悔難追王聞此語告尊者言我意不迴蓋有所以緣此國人熟知我見若迴所執國人相議正句大王常言無人無有後世亦無化生今日翻爲迦葉所化我定不能受斯耻也迦葉報言大王我念往昔有不律人畜養群猪求利爲活忽往他處覩糞穢多收拾負之欲將歸家以飼

大正句王經卷下

卷下

◇高麗大藏經◇

群養不期中路值雨淋漓穢汗滿身
心便追悔大王彼不律人衆所輕賤
以汙身故尚解迴心王處尊位翻願淨
言尊執其心不捨斷見

尔時迦葉復言大王我前種種巧說
譬喻欲令大王捨於斷見知有後世
及信三寶大王妄執強對於我今復
為王更說譬喻汝若信者諦聽諦受
善思念之王言尊者願為我說尔時
迦葉告大王言我念往昔有猪名曰
大腹時彼大腹引以群猪入深山野
於山野中忽逢師子師子見猪告而
言曰我是獸王汝速避路大腹報言
令我避路事當不可要我闕者必不
相違且止須臾待我被甲時師子言
汝何上族是何名字敢能如是索我
相闕所要被甲今隨汝意時彼大腹
往穢坑中徧塗其身還師子前言與
汝闕是時師子報大腹言我是衆獸
中王常以麋鹿等獸而為食獸或劣
弱者尚弃不食況汝不淨穢汙之身
若與汝闕實深汙我尔時師子即為
大腹宣說偈言

汝本不淨身 今復加穢 汝意求闕者
我即憶於汝

迦葉尊者報大王言王之所見由如
彼猪與師子聞我如師子先憶於汝
時正句王聞尊者迦葉說是語已深
心懺悔謂迦葉言尊者我從初聞日
月喻時早已信伏但為欲聞尊者智
慧辯才故以是言激引宣說唯願尊
者察我誠心知我信伏誓願歸依迦
葉尊者迦葉報言勿歸依我我歸依
處謂佛法僧汝當歸依王復告言依
尊者教歸佛法僧受近事戒從今已
去誓不殺不盜不淫不妄復不飲酒
終於身命持佛淨戒

尔時大王受化導已誠心向佛受三

目歸永奉五戒與婆羅門長者等
歡喜踊躍禮拜而退

乙巳歲高麗國大藏部監奉
勅雕造

佛說聖安羅菩薩經

陪

如是我聞一時佛在香醉山五髻乾
闥婆王宮彼有種種鼓樂弦歌出微
妙音

尔時世尊處大殿中與諸菩薩摩訶
薩衆俱復有諸大聖衆皆來集會所
謂有學無學諸聲聞衆并無量無邊
天龍夜叉乾闥婆阿脩羅迦樓羅緊
那羅摩睺羅伽人非人等復有無量
無邊成就持明持金剛者金剛手及
忿怒王持明王百千等衆復有具種
種持明寶鬘佛頂輪王等衆復有宿
曜并母鬼母鬼主及諸釋梵大自在
天那羅延天慶自在天大黑天神童
子天夜摩天水天風天四天王天并
五通仙人等俱來在會作廣大供養
圍繞承事合掌恭敬

尔時世尊處於衆會譬如須彌顯于
大海是時五髻乾闥婆王與七十二
百千乾闥婆女作種種伎樂來詣佛
所到已頭面禮足繞佛三匝却住一